

# Rozrisanja namakać

## Na Chróšćanski šulski zbžšk před poldra lětdžesatkom dopominali

**Chróścicy** (IK/SN). W Swobodnym staće Sakskej pobrachuja wučerjo. Tež serbske šule budu hač do lěta 2025 trjebać nimale sto wučeriow, zo bychu zaručili kubłanie po koncepcje 2plus. Pobrachowacych wučerjow w Českej nawabić abo tam pohnuć zajimcow za studij wučerstwa w Němskej je ćežke předewzaće. Wšako bėdža so w susodnym kraju z podobnymi ćežemi kaž w Sakskej. Tohodla ma so za druhimi wupućemi pytać.

Tole bě jedne z dopóznaćow diskusijnego popołdnja minjeny pjatk w Chróšćanskei zakładnej šuli. Zapóslanc Lěwicy w Sakskim krajnym sejmje Hajko Kozel bě přeprosyl, na šulski zbžšk před 15 lětami spominać a pozitiwne impulsy tehdyšeho hibanja jako zakład wzać, spytać rozrisanja namakać za načasne kubłanske problemy. Přichwatało bě do Chróścic něhdže 30 zajimcow, mjez nimi kubłanskopolitiska řečnica frakcije Lěwica w sakskim sejmje Cornelia Falken, serbscy komunalni politikarjo kaž tež kubłanscy fachowcy.

Je trjeba zaručić za serbske šule wučerski dorost, wuměnjenja za studij wučerstwa w Sakskej wolóžić a tomu zadžěwać, zo woteńdu zajimcy do druhich zwjazkowych krajow. Toho běchu sej přitomni přezjedni. Politika ma zhromadnje z kubłanskimi agenturami zawěšćić, zo maja serbscy zajimcy za wučerstwo optimalne zakłady za studij a po tym wěste džěło na serbskich šulskich kubłaniščach. Přezjedni běchu sej přitomni tež, zo trjebaja přidružnicy wosebje didaktiske a metodiske wukublanje.

Jako předstaji Cornelia Falken namjetowane změny a dodawki w noweli sakskeho šulskeho zakonja, wujewi so rozdžělnje zhladowanje serbskich towarstwow a institucijow. Jasnje so pokaza, zo je trěbne legitimowane zastupnistwo Serbow, kotrež so na knježerstwo wobroći z konkretnymi žadanjami. „Jenož hdyž sebjewědomje a přeswědčiwje wustupujemy, móžemy sej nam tyiace riadowanja zawěšćić. Nimamy trjeba stajnje jako prošerjo wustupować, ale mamy prawo sej žadać“, zijma Njebjelčanski wjesnjanosta Tomaš Čornak mēnjenje wulkeho džěla přitomnych. Rozdžělnje stejišćo Domowiny a Serbskeho šulskeho towarstwa hladajo na rjadowanje serbskich zajimow w noweli zakonja wuspěch za Serbow haći. To pak přitomnych čím bóle přeswědčí, zo maja Serbja z jednym hłosom řečeć. A runje tak wažne je měć fachowcow, kotřiž radža. „Jenož tak zamołwići politikarjo wědža, što Serbja woprawdže chcedža“, potwjerdzi dr. André Hahn, zapóslanc Lěwicy w zwjazkowym sejmje, kiž bě so jako kubłanskopolitiski řečnik strony PDS w lěće 2001 na šulskim zbžšku w Chróšćicach wobdžělił.